



Publicaziuns dalla vischnaunca, jamna 04

Damondas da baghegiar

2020-1000.000

Datum dalla publicaziun: 24 da schaner

La patruna: Pencilaras Mustér SA, Via Acletta 2, 7180 Disentis/Mustér
Il representant: IPZ Ingenieure + Planer AG, Via Lucmagn 7, 7180 Disentis/Mustér
Object: Construcziun nova d'ina casa da parcar, parcella 1329, Via Acletta, 7180 Disentis/Mustér
Intent
dall'exposiziun
publica: – Damonda da baghegiar per stabiliments enteifer la zona da baghegiar
– Damonda per projects da construcziun vid vias cantunales
– Damonda pil consentiment per baghetgs che caschunan considerablas impestaziuns dall'aria (declaranza d'immissiun e giudicament davart canera concernent il parcar UVB)

2019-1041.000

Datum da publicaziun: 24 da schaner

Il patron: Immo Invest Partner AG, Schaffhauserstrasse 131, 8152 Glattbrugg
Il representant: Maier Hess Architekten GmbH, Neptunstrasse 25, 8032 Zürich
Midada da
project: Midada da project
– concernent la garascha sutterrana (inclusivamein la declaranza d'immissiun) e
– concernent la damonda per ina lubientscha dalla polizia da fiug dils 14 da schaner 2020, tier la damonda da baghegiar 2019-1041.000, publicada ils 27 da settember 2019 (spazzar il baghetg sin parcella 1346, construcziun d'in niev hotel, tschun casas da habitar e treis garaschas sutterranas sin las parcelas nr. 1339/1342/1346, Acla da Fontauna, 7180 Disentis/Mustér).
Zona: Zona speciala Acla da Fontauna (art. 27 LB)
Midadas da
project concernent
damondas
supplementaras
suttamessas
all'obligaziun
da coordinaziun: – Damonda surluvrada per ina lubientscha dalla polizia da fiug dils 14 da schaner 2020
– Damonda pil consentiment per baghetgs che caschunan considerablas impestaziuns dall'aria (declaranza d'immissiun e giudicament davart canera concernent il parcar)

2020-1002.000

Datum dalla publicaziun: 24 da schaner

Il patron: Repower AG, Via Santeri 74, 7130 Ilanz Il representant: IPZ Ingenieure + Planer AG, Via Lucmagn 7, 7180 Disentis/Mustér
Object: Sanaziun dalla reit d'energia e dil conduct d'aua principal, Via Ansauna, 7186 Segnas

2020-1003.000

Datum dalla publicaziun: 24 da schaner

Ils patrons: Ivana Lutz e Fabio Calia, Via Lucmagn 7, 7180 Disentis/Mustér
Il representant: Linus Maissen, Via Foppas 10, 7186 Segnas
Object: Construcziun d'ina casa nova d'ina famiglia, parcella 3967, Via Soliva 4, 7180 Disentis/Mustér

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 24 da schaner 2020

Uffeci da baghegiar Disentis/Mustér



Alarm d'emprova 2020

Tenor communicaziun digl Uffeci da militar e da protecziun civila dil Grischun ha liug en l'entira Svizra
mesjamna, ils 5 da fevrer 2020, allas 13.30/13.45 alarm general
allas 14.15/15.00 alarm d'aua

Ei setracta d'alarms d'emprova tier ils quals ei vegn examinau d'ina vart sche las sirenas funcziuneschan e da l'autra vart vegn dau la pusseivladad d'emprender d'enconuscher ils differents tuns d'alarm.

Alarm general

Cun quei alarm vegn la populaziun alarmada en cass da prighel smanatschont. Il signal alarm general ha in tun che crescha e sbassa e che cuoza ina minuta. Aschinavon ch'il signal alarm general avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau la populaziun da tedlar radio, da suandar las ordinaziuns dallas autoritads e d'informar ils vischins.

Alarm d'aua

Igl alarm d'aua vegn menaus atras allas 14.15 ed allas 15.00. In tun bass da mintgamai 20 secundas en intervals da 10 secundas.

Aschinavon ch'il signal alarm d'aua avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau da bandunar immediat il territori periclitau. Dils plans cul territori periclitau sa vegnir priu investa tier l'administraziun communal. Ulteriuras indicaziuns e reglas ein d'anflar sin teletext, pagina 680 ed era egl internet www.sirenentest.ch.

Bien engraziament per Vossa capientscha.

Suprastonza communal Disentis/Mustér

Datas dallas structuradas agricolas, dumbraziun da biestga/animals (Struktureerhebung 2020)

La dumbraziun da biestga vegn menada atras pigl emprem da schaner 2020. Las **registraziuns electronicas** dallas datas san vegnir fatgas naven diils **30 da schaner entochen ils 13 da fevrer 2020**. Nus supplichein tut ils menaschis da squitschar ora ils formulars cun las lingias nua ch'ei basegna la suttascripziun dil cultivader (suttascripziun dil responsabel dalla vischnaunca ei buca pli necessaria, denton ei la gliesta dil menaschi (Betriebsliste) ligionta pil responsabel).

L'inoltraziun ha da succeder entochen sil pli tard ils **19 da fevrer 2020** all'administraziun communal Disentis/Mustér, Via Cons 2, 7180 Disentis/Mustér. Tuts menaschis ed elevaturs/possessurs d'animals (era menaschis da hobi) ch'adempleschan las suandontas cundiziuns, ein obligai d'annunzia ils muvels e las surfatschas da terren, independentamein sch'ei vegn retratg contribuziuns ni buca.

a) Surfatschas:

- 1 ha surfatscha utilisabla agricola;
- 30 ha cultura speciala;
- 10 ha cultivaziun protegida

b) Animals (naven dad in animal):

- armauls (tschaffada TVD), alpacas, cauras, pors, nuorsas, cavals, asens, gaglinam – naven da tschun animals;
- aviuls (naven dad in pievel) p.pl. indicar tut ils ualers, era ils vits;
- menaschis da tratga da pèschs

Adatg!

Menaschis agricols che vegnan sligiai si ni surdai en auters mauns enteifer igl onn 2020 ein obligai d'annunziar quei gia ussa culs formulars corrispundents. Per damondas ed informaziuns stat la secretaria dall'administraziun communal Ursina Murer-Fatzer (081 920 36 30 ni umurer@disentis.ch) ni era il gerau cumpetent Clemens Berther (079 619 11 05 ni clemens.berther@bluewin.ch) bugen a Vossa disposiziun.

Ulteriuras informaziuns e formulars anfleis Vus sin la pagina d'internet dil cantun:

www.gr.ch/DE/institutionen/verwaltung/dvs/alg/dokumentation/agrarmassnahmen/



Controlla da habitonts

Mortori

Johanna Maissen-Manetsch, naschida ils 25 da mars 1931, morta ils 15 da schaner 2020

Uniun da dunnas Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin Vossa viseta.

Proxima sentupada: **gievgia, ils 30 da schaner 2020**

Temps: 15.00–16.30

Liug: Casa da scola Segnas, local Artgin ella 1. alzada

Prender cun: marena e scalfins

Ulteriuras informaziuns e datums anfleis Vus sut www.uddm.ch

Cordialmein envida *Uniun da dunnas, ressort affons*

Scursalada pils affons pigns cun viseta dil Snowli

La gruppa dil ressort affons envida tut ils affons entochen quater onns ensemen cun lur mummas ni era babs e fargliuns ad ina scursalada comunabla sil Sax. Silsuenter vegn offeriu in pign sitg el Tipi. Prendi Vossa scarsola ni Vies bob sut bratsch, e cun empau cletg survegn era Vies affon regalau ina pintga sorpresa dil Snowli.

Datum: **Venderdis, ils 7 da fevrer 2020**

Sentupada: allas 15.00 sper la «Lodge Catrina»

Cuosts: Informaziun Sarah/Sonja

Annunzia: P. pl. s'annunziar entochen ils 5-2-2020 tier

Sarah Huonder: 079 265 42 92

Sonja Muscas: 079 681 58 66

Uniun da scursalar e spassegiar Mumpé Medel

Annullau

La 16avla cuorsa da scarsola e sliusa da corns dils 26 da schaner 2020 ha buca liug!

Muort las relaziuns actualas da neiv sa la via da scursalar buca vegnir preparada per ina cuorsa. Per ina scursalada da divertiment ei denton tut semtgau. Gudi vinavon la bial'aura d'unviern e visitei nus a Mumpé Medel.

Bien engraziament per Vossa capientscha

Uniun da scursalar e spassegiar Mumpé Medel

www.la-scursalada.jimdo.com

Uniun da gimnastica da dunnas Mustér (Frauenturnverein Disentis)

Wir haben wieder ein Line-Dance-Angebot einmal im Monat. Die neuen Daten lauten:

Donnerstag, 13.2./12.3./16.4. und 7.5.2020, jeweils 19.30 Uhr im Center da sport in Disentis. Wir laden alle Tanzbegeisterten ein, bei uns hereinzuschauen. Kostenpflichtig. (Tel. 079 672 50 46)

Uniun da gimnastica da dunnas Mustér



Cinema Salaplauna: «Apfel und Vulkan» (CH 2017)

Mittwoch, 5. Februar / Center sursilvan d'agricultura, Disentis/Mustér. Zwei Frauen, zwei Leben, die mit dem Tod konfrontiert werden. Die Filmerin Nathalie Oestreicher aus Baden begleitet ihre Freundin Fabienne, die todkrank ist. Die beiden begeben sich auf eine Reise in die Welt der Erinnerungen und des Vergessens. Fabienne, um sich aufs Sterben vorzubereiten, Nathalie, um sich dem Leben zu stellen. Beide sind auf der Suche nach dem, was bleibt. Ein sehr persönliches Filmessay über das Vergangene und das Unausweichliche. Türöffnung 19.30 Uhr, Filmstart 20 Uhr. Eintritt frei, Kollekte.

Uniun da tscheiver Mustér

Til da tscheiver Mustér 2020

Il til da tscheiver Mustér 2020 ei **ils 22 da fevrer 2020**.

Annunzias sur la suandonta adressa: gjondi.maissen@gmail.com

Salids tscheivrils *Uniun da tscheiver Mustér*

Pro Juventute Cadi

Preavis

Il pass da vacanzas dalla Pro Juventute Cadi ha liug **naven dils 20 da fenadur entochen ils 2 d'uost 2020**.
Engraziel. Cordials salids *Manuela*
